



BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM

Komisija za ljudska prava, imigraciju, izbjeglice i azil

Broj/Број: 01/5-50-1-12-21/04

Sarajevo/Сарајево: 7.3.2005. godine.

Z A P I S N I K

21. sjednice Komisije za ljudska prava, imigraciju, izbjeglice i azil, održane 7.3.2005. godine, s početkom u 11,00 sati.

Sjednici Komisije prisustvovali su:

- dr. Tihomir Gligorić, drugi zamjenik predsjedavajućeg Komisije,
- g-đa Ruža Sopta, član Komisije,
- g. Selim Bešlagić, član Komisije
- g-đa Marija Perkanović, član Komisije,.
- g-đa Senija Kapetanović, član Komisije,
- g. Muhamed Altić, član Komisije.

Sjednici nisu prisustvovali: g. Elmir Jahić, predsjedavajući Komisije, g. Martin Raguž, prvi zamjenik predsjedavajućeg Komisije i g-đa Nadžida Mlaćo, član Komisije. Kako sjednici nisu prisustvovali predsjedavajući Komisije g. Elmir Jahić i prvi zamjenik predsjedavajućeg Komisije g. Martin Raguž, sjednicom je predsjedavao dr. Tihomir Gligorić.

Od gostiju, sjednici Komisije prisustvovali su: Vinko Zorić, poslanik Predstavničkog doma Parlamentarne skupštine i g. Ljubomir Kuravica iz Ministarstva sigurnosti BiH, Sektor za imigraciju.

Za sjednicu je utvrđen slijedeći

D n e v n i r e d:

- 1. Usvajanje zapisnika 20. sjednice Komisije,**
- 2. Rasprava o Prijedlogu zakona o Službi za poslove sa strancima,**
- 3. Prijedlog realizacije aktivnosti iz Orijentacionog radnog plana za 2005. godinu «Komisijiski obilazak univerziteta u BiH i sagledavanje položaja mladih u BiH»,**
- 4. Tekuća pitanja**

Ad. – 1. Usvajanje zapisnika 20. sjednice Komisije

Nakon usvajanja dnevnog reda, dr. Tihomir Gligorić predložio je raspravu i usvajanje zapisnika 20. sjednice. Nije bilo rasprave o zapisniku s 20. sjednice Komisije.

Kako nije bilo rasprave o ovoj tački dnevnog reda, dr. Tihomir Gligorić je predložio glasanje, pa je Komisija jednoglasno usvojila zapisnik 20. sjednice Komisije.

Ad. – 2. Rasprava o Prijedlogu zakona o o Službi za poslove sa strancima

U uvodnom izlaganju za drugu tačku dnevnog reda dr. Tihomir Gligorić podsjetio je prisutne o dosadašnjem kretanju ovog zakona u parlamentarnoj proceduri. On je ukazao na činjenicu da je Vijeće ministara BiH, dana 5.2.2005. godine, dostavilo Parlamentarnoj

skupštini BiH Prijedlog zakona o Službi za poslove sa strancima (u daljnjem tekstu: Prijedlog zakona) za razmatranje po hitnom postupku u smislu člana 104. Poslovnika. Predstavnički dom Parlamentarne skupštine BiH na 52. sjednici, održanoj 18.2.2005. godine, razmatrao je i prihvatio zahtjev Vijeća ministara BiH za razmatranje Prijedloga zakona po hitnom postupku, u skladu s članom 104. Poslovnika. Dr. Tihomir Gligorić je dalje ukazao na činjenicu da je Ustavnopravna komisija Predstavničkog doma Parlamentarne skupštine BiH, na 41. sjednici, održanoj 15.2.2005. godine, razmatrala Prijedlog zakona i utvrdila:

- postojanje valjanog ustavnopravnog osnova za donošenje Prijedloga zakona,
- da je ustavni osnov sadržan u članu III./1 tačka f) i članu IV./4 tačka a) Ustava Bosne i Hercegovine, kako je naveo i predlagač,
- ponuđeni tekst usklađen je sa Ustavom BiH i
- ponuđeni tekst može se uputiti nadležnoj komisiji Predstavničkog doma Parlamentarne skupštine BiH u daljnju proceduru.

Nakon iznošenja uvodnih podataka, predložio je diskusiju o Prijedlogu zakona.

Ljubomir Kuravica je kao uvod u diskusiju iznio nekoliko napomena koje se uglavnom odnose na odnos međunarodne zajednice prema ovom zakonu. On je istakao da nedonošenje ovog zakona usporava donošenje mnoštva drugih podzakonskih akata koji su potrebni za funkcioniranje posebne službe za strance. Prijedlog zakona nudi obrazovanje malene službe koja bi brojala oko 120 službenika i 30-ak namještenika, a što je nužno za funkcioniranje. Sličnu formu službe imaju i USA, kao i neke druge savremene države. Ova služba bi bila obrazovana po modelu Švicarske. Savremena organizacija službe koja se nudi prijedlogom zakona je sasvim drukčija od službe koju je imala bivša Jugoslavija.

Dr. Tihomir Gligorić je predložio diskusiju o principima i načelima ovog Prijedloga zakona. Nakon toga, Komisija je jednoglasno usvojila principe predloženog zakona.

U daljnjoj diskusiji, **dr. Tihomir Gligorić** je istakao da je amandmane na Prijedlog zakona uložio Vinko Zorić, poslanik Predstavničkog doma, koji je prisutan na sjednici, pa je predložio metodom amandman po amandman da se amandmani prezentiraju članovima Komisije.

Nakon diskusije o amandmanima u kojoj su učestvovali **članovi Komisije**, kao i podnosilac amandmana **g. Vinko Zorić**, Komisija je dijelom jednoglasno, a dijelom većinom glasova usvojila sljedeće amandmane:

Amandman I.

U članu 16. stav 2. iza riječi “oduzetih isprava” brisati riječi “ni u kom slučaju”.
(amandman je jednoglasno usvojen)

Amandman II.

U članu 17. stav 2. iza riječi “postizanja cilja” brisati riječi “ni u kom slučaju”.
(amandman je jednoglasno usvojen)

Amandman III.

U članu 22. stav 2. iza riječi “Bosne i Hercegovine” staviti tačku, a ostali dio teksta brisati.

(Amandman prihvaćen sa “za” -5 glasova, “protiv” – 0 i “suzdržan” – 2 glasa)

Amandman IV.

U članu 26. u stavu 1. i u stavu 2. brisati riječi “društvenog smjera”.

U stavu 1. riječ “sedam” zamjenjuje se sa “pet”, a riječ “pet” zamjenjuje se sa “tri”.

U stavu 2. riječ “Šest” zamjenjuje se riječju “pet”, a riječ “četiri” sa “tri”.

(amandman prihvaćen sa “za” – 6 glasova, “protiv” – 1 glas i “suzdržan” - 0.

Nakon toga, Komisija je većinom glasova (“za” – 6 glasova, “protiv” – 0, i “suzdržan” – 1) prihvatila tekst Prijedloga zakona, s usvojenim amandmanima uz konstataciju da je Zakon neophodno donijeti, te predložila Predstavničkom domu Parlamentarne skupštine BiH njegovo usvajanje. Na osnovu člana 89. Poslovnika, Komisija je za izvjestioca pred Predstavničkim domom odredila drugog zamjenika predsjedavajućeg Komisije dr. Tihomira Gligorića.

Ad. - 3. Prijedlog realizacije aktivnosti iz Orijentacionog radnog plana za 2005. godinu «Komisijiski obilazak univerziteta u BiH i sagledavanje položaja mladih u BiH»,

U uvodu za ovu tačku dnevnog reda dr. Tihomir Gligorić je upoznao članove Komisije o jednoj od obaveza Komisije prema Orijentacionom radnom planu za 2005. godinu «Komisijiski obilazak univerziteta u BiH i sagledavanje položaja mladih u BiH» i potrebi da se ta obaveza ostvari. Predložio je da sekretar komisije, dr. Zijad Hasić prezentira više podataka o ovoj aktivnosti, kao i šemu eventualnog obilaska:

Sekretar Komisije je predložio slijedeću šemu s rokovima obilazaka univerziteta u Bosni i Hercegovini:

I grupa u sastavu:

- Elmir Jahić,
- Marija Perkanović,
- Selim Bešlagić

Grupa treba posjetiti Univerzitete u Istočnom Sarajevu, Tuzli i Pavlovićev univerzitet.

a) Univerzitet u Istočnom Sarajevu

71123 Istočno Sarajevo, Vuka Karadžića bb.

Tel. 057 340 263, fax 057 340 263.

Rektor: prof. dr. Mitar Novaković

b) Univerzitet u Tuzli

75000 Tuzla, Muharema Mizovića Fiska 6.

Tel. 035 300 500, fax 035 300 547.

Prof. dr. Izudin Kapetanović

c) Pavlovićev univerzitet

76300 Bijeljina, Slobomir, p.f. 70.

Tel. 055 231 101, fax 055 231 176.

Rektor prof. dr. Jovan Todorović

Posjetu izvršiti na način da se 24.3.2005. godine posjeti Univerzitet u Istočnom Sarajevu u 9 sati, nakon sastanka u 11 sati krenuti za Tuzlu, te u 14 sati održi sastanak u Univerzitetu Tuzla. Nakon noćenja u Tuzli, obaviti sastanak u Pavlovića univerzitetu u 10 sati narednog dana.

II grupa u sastavu:

- Martin Raguž
- Mlaćo Nadžida
- Ruža Sopta

Grupa treba posjetiti Univerzitet u Sarajevu, Univerzitet u Mostaru i Sveučilište u Mostaru

a) Univerzitet u Sarajevu
Sarajevo, Obala Kulina bana broj 7/II
Tel. 033 207 504, fax 033 663 393
Rektor prof. dr. Hasan N Muratović

b) Univerzitet u Mostaru
88000 Mostar, Sjeverni logor bb
tel. 036 570 036, fax 036 570 032.
Rektor prof.dr. Fuad Čatović.

c) Sveučilište u Mostaru
88000 Mostar, Trg hrvatskih velikana broj 1.
Tel. 036 310 778, fax 036 320 885
Rektor prof. dr. Frano Ljubić

Posjetu izvršiti na način da se 22.3.2005. godine posjeti Univerzitet u Sarajevu u 9 sati, nakon sastanka u 11 sati krene za Mostar, te u 13 sati održi sastanak u Univerzitetu Mostar. Nakon noćenja, izvršiti sastanak u Sveučilištu u Mostaru u 10 sati narednog dana.

III grupa u sastavu:

- dr Tihomir Gligorić,
- Senija Kapetanović,
- Muhamed Altić

Grupa treba posjetiti Univerzitete u Zenici, Banja Luci i Bihaću

a) Univerzitet u Zenici
72 000 Zenica, Fakultetska broj 1.
Tel. 032 419 080, 032 449 420, fax 032 449 425,
Rektor prof. dr. Sabahudin Ekanović

b) Univerzitet u Banja Luci
78 000 Banja Luka, Trg srpskih vladara
Tel. 051 213 707, fax 051 315 694.
Rektor prof. dr. Dragoljub Mirjanić

c) Univerzitet u Bihaću
77100 Bihać, Kulina bana bb.
Tel. 037 220 204, fax 037 222 022.
Rektor prof. dr. Refik Šahinović

Posjetu izvršiti na način da se 17.3.2005. godine posjeti Univerzitet u Zenici u 9 sati, a nakon sastanka u 11 sati krenuti za Banja Luku, te u 14 sati održi sastanak u Univerzitetu u Banja Luci. Nakon noćenja, izvršiti sastanak u Univerzitetu u Bihaću u 10 sati narednog dana.

Nakon prezentacije ove aktivnosti, vođena je diskusija u kojoj su učestvovali svi prisutni članovi Komisije.

Dr. Tihomir Gligorić smatra da je koncept obilazaka dobar, ali ga treba realizirati u aprilu mjesecu.

G. Muhamed Altić i g. Selim Bešliagić podržali su ovu ideju. G- Selim Bešliagić je predložio da se kod Vijeća ministara BiH provjeri kakva je situacija s zakonom o viskom obrazovanju. Trebalo bi provjeriti da li pri izvršnoj vlasti ili ustanovama postoji Fond za stipendiranje talentiranih učenika i studenata.

G-da Ruža Sopta je predložila da grupa koja obilazi Univeritet i Sveučilište u Mostaru, posjeti i Univerzitet u Zenici, tako da taj obilazak bude na način da prvog dana budu obilasci univerziteta u Zenici i Sarajevu, a drugi dan u Mostaru.

G-da Senija Kapetanović je predložila da se za obilazak sačini određeni podsjetnik s grupom pitanja o predmetu interesovanja. Predložila je da se najavimo odgovornim u univerzitetima. Jedna od tačaka razmatranja treba biti Zakon o visokom školstvu.

G-đa Marija Perkanović je predložila da se za narednu sjednicu definiraju sva pitanja oko obilaska univerziteta. Trebalo bi ostvariti razgovore s rektorima, prorektorima, predstavnicima studenata (5-7) i da razgovori budu zajednički. Treba osigurati prisustvo sredstava informiranja.

Na kraju rasprave zaključeno je da se prihvata provođenje ove aktivnosti prema predloženoj šemi, uz izmjene prijedloga aktivnosti, prema zaključcima koji su prezentirani u toku rasprave.

Ad. – 4. **Tekuća pitanja**

U okviru ove tačke dnevnog reda, dr Tihomir Gligorić je ukazao na poziv Evropskog parlamenta na prisustvovanje javnom saslušanju o temi «Migracije, integracija i razvoj: ka evropskoj politici», koje se treba održati u ponedjeljak 14. marta, poslije podne i utorak 15. marta prije podne. Saslušanje bi se trebalo održati u Briselu.

Nakon diskusije o ovom pozivu zaključeno je da bi bilo korisno da neko iz Komisije bude prisutan javnom saslušanju. Jednoglasno je zaključeno da delegacija Komisije posjeti Brisel, a delegaciju da čine: g-đa Ruža Sopta i g-đa Marija Perkanović.

Završavajući ovu tačku dnevnog reda, Komisija je završila svoju 21. sjednicu.

Sjednica je završena u 13,04 sati.

**Sastavni dio ovog zapisnika čini stenogram zapisnika kojeg je izradila
Zajednička služba Parlamentarne skupštine BiH.**

SEKRETAR KOMISIJE

dr. Zijad Hasić

DRUGI ZAMJENIK
PREDSJEDAVALAČE KOMISIJE

dr Tihomir Gligorić